

盛明雜劇

三集

肆

長

公

妹

長公妹

南山逸史著

踏莎行

末上

短髮如銀。微鬚添皺。秋風倍惹身消

瘦。迭尋韻事。譜歌喉。餘生聊覓紅爲友。蘇妹香
才。秦觀捷手。鴛闌三試諸佳偶。名成重把腹笥搜。
險些罰了三杯酒。

正名

蘇小妹香閣中巧續繡毬詩。

秦少游合巹時再填龍虎榜。

第一齣家慶

正宮
引子

齊天樂

旦豔妝扮蘇小妹侍女隨上希微初

旭穿紗絳。夢境猶趨函丈。獨秀江山。瑞鍾蘇氏。天賦蛾眉。不讓三春花放。看南極星懸。棣萼齊芳。初度欣逢。邀兄同進紫霞觴。

侍女侍女叩頭旦起來

南柯子。花落千千點。鶯啼兩兩聲。晝長忽忽夢初

醒。薄薄春衫試也。煞盈盈。蝶舞深深幕。鷗眠淺

淺汀。淡雲漠漠弄微晴。冉冉春將去矣。漫紫紫。奴

家父親老。泉居士。飽學足三冬。高少微處士之名。

母親程氏。相夫兼四德。傳寶婺淑人之譽。生有兩

兄名軾、名轍、聯登金榜、共步玉堂、中年生我、呼爲
小妹、愛若掌珍、奴家鍾峨眉之黛色、漱學字之巴
流、胸澄秋水、華渚敢擬皇娥、佩解明璫、漢陰未逢
交甫、撫紈扇而詠秋風、豈遜班姬之什、借楊花而
擬冬雪、何慚謝女之才、是父是子、據才名應曰四
蘇、難弟難兄、求配偶誰爲雙璧、但願養志承歡、那
想遲歸終吉、目今三月、桃浪翻花、柳風飄絮、止人
生行樂之會、今日上弦、蓂開七葉、夢叶長庚、恰參
麥嶽降之辰、奴家特備一尊、以介眉壽、理應兩兄

代奴把盞侍兒你快到中堂請太老爺太奶奶二位老爺到園中飲酒侍女請介外蒼髯冠服扮蘇老泉老旦補服扮程氏上介

前引閒鷗未得離塵網有子趨庭堪賞稽古神勞

辯奸論著自笑雄心未降末大髯扮蘇子瞻小生

三髯扮蘇子由俱冠服上一堂懽暢正世際昇平

淑景初長愛日趨鏘忽聞弱妹喚持觴同旦見外

介爹媽萬福外老旦兒輩少禮旦見末小生介哥

哥萬福末小生妹妹拜揖各侍立介外孩兒你請

我出來、有何話說、旦跪介、今日是爹爹誕辰、孩兒
特備酒餚、請兩兄爲爹爹稱慶、外笑介、生受你了、
旦向末介、長兄把盞、末把盞、小生旦隨奉介、

南呂過曲

梁州序

末小生

池流不競、簾風初靜、淺綠深

紅交映、

孩兒兩人呵、同登玉局、書香一脉、崢嶸旦

合

只見鶯喉低度、燕羽斜翻、正好把春觴、進畫屏

圍十二玉亭亭、幾樹繁華照眼明、合人英俊時平

定春光、未老椿萱並、頻勸酒、祝椿盛、旦奉酒介

前腔旦榆錢徑滿、蕉裙窗蔭、樓對南山端正、孩兒

呵。調。脂。弄。粉。也。來。詩。禮。趨。庭。只。見。海。棠。嬌。睡。宮。柳。
低。眠。人。在。蓬。萊。境。銀。塘。流。曲。曲。細。堪。聽。酒。爲。花。催。
肯。暫。停。合。前。

換頭

前腔

外老旦

洗紅螺移酌前楹。皎玉樹森然

輝映。我蘇明允呵。一經白首。未遂騰騫。歎年逾半

百。受兒貽贈。

指末介

軾兒近前來。

末

孩兒有。

外汝

不聞人之所畏者。三端乎。那文人之舌端。與法家
之筆端。武士之劍端。並提而論。似你這胸蟠五岳。
筆湧三湘。未免多蹭蹬。仕途盤九曲。妬才名。安得。

堂中。共聽鶯。合前。末。孩兒謹遵嚴命。

前腔

末。小生聽嚴詞遺訓。一經鐫方寸。舌端自禁。

願早歸子舍。膝下懽承。只是小妹呵。那更胸飄謝。

絮筆。絮班書。若個堪投鏡。

外。老旦。你不須爲妹子。

過慮。姻緣綿五百。赤繩繫自有。郗家快婿乘。合前。

外。日漸西沉。酒已過多。收拾進去罷。衆。日雖云夕。

興尚未闌。那疎柳外一鉤新月。更自可人。求爹媽。

洗盞更酌。達曙爲歡。外。大笑介。兒輩既有此興。老。

子興復不淺。快移酒在前軒去。暢領兒輩之情。解。

衣移席介衆求爹爹行一令兒使孩兒輩共醉花
前外一時想不出甚麼令來也罷就把堦前花石
爲題吟詩二句押冷香兩字酒到詩成若少俄延
跪飲大觥末小生奉酒介請爹爹首唱外飲介水
向石邊流出冷風從花裏過來香老旦酒到大孩
兒了末飲介拂石坐來衣帶冷踏花歸去馬蹄香
老旦酒到二孩兒了小生飲介石蕊嚼餘牙畔冷
梅花彈遍指頭香老旦酒到小妹了旦飲介石上
鶻啼喉漸冷花間蝶宿夢猶香外鼓掌笑對老旦

介你看孩兒們應口而成。各吐奇句。男子尚不爲
希罕。如吾家小妹。真可稱女翰林也。衆奉外大盃

合唱

節節高花前次第賡。好嚶鳴。香閨芸閣多聰穎。珠

同淨。玉共明。笙歌競。麝蘭徹夜焚金鼎。天倫樂事
誰家並。合百歲春光值此宵。歡娛肯使壺觴剩。

前腔蓮壺漏已頻。夜將平。坐來風露侵衣清。銀河

迥斗柄橫。千秋慶。共誇金馬錫原遄。更欣玉樹蘭

房競。合前外醉衆扶介我兒。樂不可極。兩老人家

要就寢矣。收了筵席罷。**衆**謹依嚴命。

尾聲夜深沉人酩酊。四侍兒提燈照介把蘭焰蓮
燈高秉。願歲歲年年醉醪醑。

高館張燈酒復清。高適舉杯酹月祝長庚。朱灣
四時最好是三月。韓偓竹杖紗巾遂稱情。崔峒

第二齣郵亭

中呂引

滿庭芳

生巾服扮秦少游上。斗室堪娛。葩詞

自遣。胸涵萬頃雲烟。柰無人堪語。文酒漫流連。最
喜甓湖瀦灑。獨遊行得句。仙人狂狷。閉門古處。

夢不到塵緣。水國蒹葭夜有霜。秋風詞客意悲涼。
望深江海連天遠。時有白鷗窺草堂。小生秦觀字
少游。一字太虛。高郵人也。年華弱冠。風節自矜。志
希三立。才絢七襄。援筆立成篇。爭道錦心繡口。滯
腔是何物。無非虹氣雪腸。目下功名未遂。家室未
諧。此地一派水鄉。俗雖淳而近於鄙。碌碌無可論
交。妻子是一生作伴的。何敢漫投玉鏡。只東門外
有一高阜。四面湖光。儘堪吟眺。我春風秋雨。獨往
獨來。那披簑的漁父。便是我的友朋。點波的白鷗。

便是我的妻室了。海內文宗，共推眉山蘇氏父子，
柰山川間阻，會晤爲難，不期昨日蘇子瞻同著黃
山谷過訪，我他出失迎，因想海內人豪，互相傾慕，
大蘇胸中也知淮南無人，止挺生一個秦少游，他
今日必然再訪，不免命蒼頭候門者，喚介蒼頭那
裏，丑上淺淺小堂，鵲鵲入，家家門外一渠蓮，相公
有何分付，生蘇老爺黃相公今日若來，卽忙通報，
丑曉得，末子瞻外黃山谷巾服上

呂中

青玉案 邢江水秀生奇彥，却被少游全占。望裏

湖光明一片。幽人尙志。卜宅在柳堤蘆畔。末下官

翰林學士蘇軾字子瞻。外小生黃魯直字山谷。揖

介今日再訪少游。來此已是他館中了。丑入報介

相公。蘇老爺黃相公到門了。生迎介末外昨未面

尊兄。今日竭誠過候。生企仰斗山。昨失倒屣。有罪

了。敝地頗以水勝。城中無可寓目。東郭外有一高

臺。可以四望湖光。小生已備有濁醪烹葵釣鯉。但

恐簡褻兩位先生。外末樂水有懷。何當盛款。卽便

同行。丑挑食欄行介

眞正名人
無一時不
念民生國
事

黃鍾
過曲

絳都春序

衆

秋林瀟灑。看長堤衰柳，奔流嘴。

壩簇簇霜花。是一幅顧愷層城丹樓盡。黎民猶得。

全漁稼。聽欸乃在蘆邊響答。合飛翔只有白鷗閑。

看漁父盡將罾掛。丑已到臺邊了。衆作登高四望。

介妙頃你看白隨天盡。綠遶城低。蒲帆與水鳥爭。

飛草閣共漁磯環列。真大觀也。快浮大白來。坐飲。

介

換頭前腔堪訝。波藍於髮。盼水色天光難分上下。

遠影微茫。只幾點鷺游紅蕖下。氣蒸雲夢形相亞。